



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

12. Dies Novemb. Nummicula, non est Christicula.

urn:nbn:de:hbz:466:1-45477

Novemb.

Tessera.

901

lem fecit, ut ad ejus econtemplationem extrà se aliqui
Ethnici raperentur; vix sui prae stupore compotes:
querit domus Dei, & aula coeli? Itaque ne coram
Deo fias despicibilis, ut coram hominibus fias susci-
piendus, despice quam calcas terram, suspice, quod
speras coelum. Est enim illud nimis quàm certum,
quod velim tibi persuadeas esse certissimum.

Non coelum quaeret qui terra totus adheret.

12. DIES NOVEMB.

Nummicula, non est Christicula. *Petrus Damianus*
opuscul. 12. c. 8.

Ut Deum æsti-
mes, alia nihil
existimes.

HAusta est hæc Tessera ex Pe-
tro Damiano. Sicut, inquit,
qui Christum colit, jure Christi-
cola dicitur, ita & qui nummis per custodiam servit, non
immeritò nummicola perhibetur. Ut intelligas, quonam
animo, desiderio, & studio tendas, vide quid colas:
despice quid despicias, aut suspicis. Si tibi placet Deo
displicere propter plebem, es plebicola, si colas
Deum propter coelum, es coelicola, sicut qui colit
agrum dicitur agricola. Fateor, plebem subindè ve-
reri, sed & revereri, est prudentiæ. Sic tamen uti Cæ-
sarius, de quo scitè scribit ejus frater Gregorius Na-
zianzenus. *Erat, inquit, intus Anachoreta, coram Aulicus.*
Trade subindè faciem mundo, sed cor reserva Deo.
Tales fateor plures desiderantur quàm reperiantur.
Plerique homines æstimant extimâ, quæ patet larvâ,
non intimâ, quæ latet virtute; cum tamen aurea fides
meliolem equum non reddiderint, nec tu hoc ipso

LII 3

eris

eris melior, si ornatior; eris mollior, sed non melior. Si putes te posse pariter & colere Deum, & illa quæ non sunt Dei, idem hoc est, ac in furnum frigidum immittere panes. Perdis laborem, oleum, operam, quia nulla speranda est merces operis. Sicuti juxta tritum adagium, *plenus venter, non studet libenter*: ita qui est plenus mundo cum sit vacuus Deo, non est mirum, si non vacet ei vacare circa illa, quæ sunt Dei. At verò alii, qui ad magna nati feruntur in sublimia, imis hisce contemptis, non aucupantur humiles terræ glebas; sed venantur cœli stellas. Quia ad egregiarum rerum spem erecti, & cœlo investiti, non terræ regionibus spem definiunt, sed beatarum mentium domicilium, noctes diesque cogitant, atque in id omnes cogitationis imperus designant.

II. Nolo tamen consilia consultissimo dare, ne videar, ut dici solet, *cœlo sidera, & arboribus addere folia*. Tamen si quis audeat tantum præfidere, ac præsumere, ut non indigeat alieno consilio, inter tot laqueos, pedicas, pericula, errores, scelera? nōne ut olim ita & in præsentiarum, totus mundus in maligno est positus? nōne plurimi ut aquam, sic bibunt iniquitatem? an non reperiuntur ex hominum cœtu plurimi, de quibus dici posset, quod de Juliano dixit Gregorius Nazianzenus? *Post Herodem persecutor, & post Judam proditor; post Pilatum Christicida, post Judæos Dei hostis?* Quis non in suo gradu inflatur fastu? Quoties dantur dignitates in dignissimis, cum tamen, ut bene Pius II. summus Pontifex, *dignitatibus homines dandi sint, non dignitates hominibus*; adeo ut dignitatum potius

Novemb.

in melior.
illa quæ
frigidum
operam,
uti juxta
enter: ita
non est
quæ sunt
runtur in
cupantur
i stellas,
& cælo
unt, sed
sque co-
etus de-

are, ne
us adde-
re, ac
o, inter
celera?
s mun-
rimi ut
perion-
lici pos-
zenus?
oditor;
Quis
dantur
ne Pius
ndi sint,
m po-
tius

Novemb.

Tessera.

903

tius habenda sit ratio, quàm ambientium dignita-
tes: ut videlicet dignitatum, ut ita dicam dignita-
ti, honorumque honori consulatur. Quoties à mun-
do decepti, fidem tamen adhibemus decipienti,
credunt se mundo qui cultores suos tam certò deci-
pit, quàm blandè excipit. Quid tamen ægrius fe-
runt homines, quàm decipi ab homine, præser-
tim si frequens sit illa deceptio? nam juxta Petrum
Venerabilem, *Primò falli incommodum, secundò*
stultum, tertio turpè. Quid mirum, si mundus tam
falsus fallat, si impostor imponat, si mendax deci-
piat mendaciis? quot reperire est qui rebus suis
parcent, aliena avidissimè vorant: de alieno sunt
profusissimi, de suo maximè tenaces? atque adeò
in propria mensa sunt formicæ, in aliena vultu-
res?

III. Omnes homines ad bravium currunt, sed
quid juvat currere ad metam, si curras extra viam:
(nam) ut prudenter Augustinus: *Meliùs it clau-*
ditur in via, quàm cursor præter viam: quo enim ille
velociùs fertur, eò erroris ambitus grandiores fa-
cit, ægriusque redire in viam potest. Nihil refert
navem impellere, nisi ducatur ad portum, quo
tendit. Quàm fatui mortalium plerique, qui in
recta via ad vitam, & in Dei obsequio, claudi-
cant extrà viam, & in mundi cultu velocissimè
currunt, & celerrimè tendunt, & validissimè
contendunt. Satiùs est in via Dei esse vel testudinem,
quàm in via mundi leporem. Nam ut est prover-
bium; *testudo dormientem leporem antevertit.* Apo-
logus sat notus est, testudo & lepus de celeritate
certabant; constituto itaque die, locoque discessere:

LII 4

lepus

lepus quidem propter naturalem velocitatem, in cursu negligentior factus, in via prostratus dormit: testudo verò suæ conscius tarditatis, continuo incessit, sicque leporem dormientem præcurrens, victoria præmium retulit. O quot sunt in via lata non dormientes, sed perniciosissime & ideò perniciosissime currentes lepores: in via verò arcta, dormientes testudines; in obsequio mundi toti calidi, in Dei verò, toti frigidi, illic oculati, hic excæcati. Multi sunt Cosmophili, pauci Theophili; quis non stupeat cum stupente, non tamen stupido Alberto. *Stupeo*, inquit, *nos posse credere Deum, esse Deum, & tam tepide non ei servire*. Sic rebus vilibus præ omnibus Deus vilescit. O si sapias, fac quod suadet Poeta:

Despice res viles, Christi fortissime miles.

13. DIES NOVEMB.

Deo nec laboriosius aliquid quæritur, nec fructuosius invenitur. *S. Augustinus serm. 1. de Trin. c. 3.*

Deus studiosè quærendus.

I. **T**otum hominis vivere, nihil est, nisi aliquid quærere. Oculi dum vident, aures dum percipiunt, nares dum odorantur, manus dum palpant, lingua dum loquitur, pedes dum moventur, mens dum cogitat, cor dum desiderat, denique homo quoties aliquid agit, aliquid quærit. Sed non omnis qui quærit, invenit. Sæpè invenit quod pœnitet inventi. Illud inter omnia & præ omnibus, quære, quo nihil potes invenire fructuosius. Noli illud quærere quod reperisse te conquereris. Si quæris gaudium, frustra illud quæris